

# ESPIRITU-GIZONA

1

Birjaioa dan gizona,  
gogoz garbi ta sakona.  
Bizi barria barrutik polpol  
Espirituz dariona;  
Jainkoa Bera Aitatzat dauka,  
hau bai dala zoriona!

3

Munduan bizi beharra,  
baina ez da mundutarra.  
Gogor eginez menderatzen dau  
pekatuzko lege zaharra;  
Espirituak emoten deutso  
horretarako indarra.

2

Jesus Maixuaren jarrai,  
gizon danak ditu anai.  
Bere ardura, nori on egin,  
batez ere behartsuai;  
Espirituak eraginez da  
serbitzari izateko gai.

6

Gogo ta bide zuzenez,  
bizi da itxaropenez.  
Espirituak sendotuten dau  
goiko graziz ta kemenez;  
gero zeruan orniduko dau  
koroï eder ta omenez.

A.Martzel